

DEO OPTIMO MAXIMO UNI ET TRINO,

VIRGINI DEI-PARÆ, ET S. LUCE,

Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS

manè discutienda in Scholis Medicorum, die Martis tertiâ mensis

Martii, anno Domini M. DCC. LXXVIII.

M. JOANNE-FRANCISCO-ACHILLE DE LALOUETTE,

Equite, è Regiâ Societate Medicâ Parisiensi pro Epidemiis
institutâ, Doctore Medico, Præfide.

An pertinaci & inveteratæ uteri hæmorrhagiæ, vinum Anti-scorbuticum?

I.



S I MUL atque tenerum puellarum corpus eò usque increvit, ut partes omnes explicatæ suas quæque proportionales, suum decus habeant, jam viro maturæ vulgò creduntur. Ex naturæ tamen sapienti constantique lege, uterus virginæ fieri nequit foecundus, nisi prius per determinatum mensis lunaris tempus, sensum sine sensu accumulato sanguine, turgat. Quod ubi primum puellæ obtingit, tunc conceptioni idonea evadit. Ut autem mulieri jam *menstruata* constet sanitas, sanguinem, præter puerperio & lactationi dicatum tempus, in utero redundantem, singulo lunari mense, foràs amandari necessum est. Hæc altera naturæ lex. Menstruæ evacuationis quantitas varia, admodum, citrà ullam individui noxam, pro vario temperamento, variâ regione, ac præsertim pro vario vivendi more, quod *sex rerum non naturalium* usu continetur. Observatione tamèn constat, lunaris profluvii quantitatem, in constitutione sanâ, non suprà libram unam ascendere, nec infrà semi libram subsistere, & excretionem frequentius intrâ trium aut octo dierum spatium contrahi. Huic menstruæ, legitimæ ac periodicæ evacuationi *mensum* nomen affinxerunt. An si fluxus, suprà indicatam quantitatem, atque temporis mensuram excedat, menses erunt dicendi? minime: ne nominis similitudo in funestum errorem malè cautos inducat, dum eos à Medicinâ tunc temporis faciendâ deterret. Immoderatus igitur ille fluxus hæmore rhagia uterina melius dicitur, cujus species duplex, prior quæ à fibræ rigiditate cum uteri tu more conjuncta; posterior quæ à fibræ debili atque remissiori pendet. Ambæ à se invicem, toto cœlo, differunt ratione naturæ, effectuum seu symptomatum, ratione adhibendorum medicaminum; licèt medicastros videre sit eas in ægrorum perniciem, promiscuè habentes. De posteriori in præsentias agetur, atque nostram qualemcumque sententiâ huicce trademus Disputatiôni.

SI bis vel ter in mense, sanguis sincerus ex utero profluat, tunc uterinam adesse hæmorrhagiam pronuntiamus. Hic quidè status, forsàn, strictè loquendo, non morbosus dicendus; at certè hinc prima mali labes, ad morbum certò certius ducens nisi maturè occurrat. Huic hæmorrhagiæ obnoxie vivunt Virgines, fœminæ juniores, temperamenti sanguinei, antè pubertatem, narium hæmorrhagias pati solitæ, quæ floridum atque in specie ex omni parte sanam habent constitutionem, quæ sunt alacres, agiles atque sensilis admodum indolis, in quibus sanguis tenuior, ad dissolutionem vergens; humores acriores, organa ad actum fortius stimulant.

Hujus hæmorrhagiæ causam plethoræ vulgò tribuunt: at non magis in culpâ est plethora, quam dùm in juvenili ætate narium hæmorrhagiæ, aut hæmophyses superveniunt. Per legitimæ menstruationis speciem decipiuntur: scilicet, ter in mense femina experitur solita futuræ ex utero profusionis symptomata, seu naturæ pondus excutere gestientis molimina; ter in mense succedit evacuatio, quam sequitur euphoricæ sensus. Verùm quàm deceptiva falsæ imaginis umbra! quàm perfidum levamen! lapsu temporis, resolutis omnino per tot evacuationes vasis, uteroj in impari allabentem continuò sanguinem retinere jugi stillicidio fit sine ullo impetu, sine ullo sensu, evacuatio. Perindè ferè omnino est, si femina unâ vice quidè & statâ periodo, sed majori copiâ quàm ad solvendam plethoram necessum est, aut ultrâ constitutum à naturâ tempus, v. g. per XV dies, lunare profluvium experiantur. In utroque casu non inculanda plethora, sed vasorum connata laxitas & debilitas, quibus onus est vix ferendum, sanguis vel modicâ quantitate congestus; inculanda simul indivisa laxitatis vasorum comes, sanguinis crasis tenuior, atque acrior, vasa ad excretionem stimulans. Conspiciant etiâ ad hæmorrhagiam producendam causæ externæ, alimenta in irritamentum gulæ acrioribus condimentis parata, potulenta spirituosa, vigilie, totius massæ sanguinis per motus corporis commotiones fortiores, ac præcipuè vehementiora animi pathemata: nam rarò in brutis hæmorrhagiæ observantur.

III

MODERATA sanguinis excretio nedum debilitet, è contrâ corpus antea plethorâ gravatum levius reddit, mentemque torpescentem prius languidamve ad alacritatem excitat. At ex immoderato & pertinaci fluxu, quot suboriuntur mala! morbo incipiente, mulier conceptioni minus apta censenda: si conceperit, sine causâ, aut ex levissimâ causâ, abortit: si non abortierit, parturientem enormes manent hæmorrhagiæ: nova dein in dies sobolescent mala, aliis producendis fœcundissima, dùm vires morbi crescunt eundo. Ea videre est quæ cachexiam incipientem comitari solent, & scorbutum commostrant: scilicet dùm mulieres succos albiles simul cum sanguine jugi fluxu fundant, vires omnes deiciuntur, languent humorum circuitus, secretio, excretio; excernenda retinentur, humorum stases corruptiones fiunt; augentur acrimoniæ; vultum, qui paulò antè nitidam spirabat juventutem, pallor deturpat luridus, corpus prius agilissimum torpor opprimit insolitus; motui cuicumque repugnant, de spontanea conqueruntur lassitudine; eis è somno evigilantibus, sensus omnium artuum & musculorum quasi fatigantium & contusorum; partium genitalium externarum intumescuntiam, molestissimum pruritus atque erosionem acculant; marcescunt atque contabescunt partes omnes superiores, dùm extremitates

inferiores, accedente tumore, accrescunt; flantibus, pedes & crura intumescunt, vix à decubitu detumescunt, quod scorbutico œdemanti proprium.

Malum ultra progrediatur cave, nondum sanguis in immedicabilem abiit dissolutionem, ad heroicum citò confuge remedium, vinum scilicet anti-scorbuticum, quod recensita mala simul cum sejunctis causis, eradicare potens sit, acre leniendo, laxum ac debile firmando.

I V.

VINUM antiscorbuticum, ex Cod. Paris. paratum, turget principiis activis quæ suppeditant plantæ è cruciferarum familiâ desumptæ: scilicet, instructæ sunt, docente scrutinio chymico, principio fixiori gummeo-resinoso-oleoso, & principio salino oleoso, quod volatile, oculos atque nares feriens. Memoratum sal acre substantiis gummeis & oleosis intimè mixtum, & temperatum, non alkalina, ut credebatur olim, sed acidæ indolis est, vi antisepticâ prædita; quod invicta probant argumenta celeberrimi Cartheuseri, qui tam felici solertiâ Pharmacorum principia evolvit, atque vires indè deducendas tantâ sagacitate, assignavit, ut nemo melius; præter plantarum antiscorbuticarum principia, quibus dives vinum nostrum, sal etiâ ammoniacale solutum fovet, atque extractiva fumarie ptincipia eminenti amaritie donata. Tâm heroicorum Pharmacorum activa principia dùm, vi suâ stimulantè, languentes antè vires vitales erigunt, humorum per vasa lentam circumductionem promovent, secretionum atque excretionum opus ferè abolitum expediunt; dùm vi suâ solvente, crassam & inertem mucositatem attenuant, dùm, virtute antisepticâ quâ eminenter pollet vinum antiscorbuticum, oppositam humorum degenerescentiam atque putredinem emendant, non sine jucundo animi sensu, miratur Medicus sensum imminui, ac tandè definire omninò pertinacem atque inveteratam uteri hæmorrhagiam.

Sed qualiscumque sit modus agendi vini antiscorbutici, sufficit Medico illud dati morbi optimum proflare remedium, multiplici experimento comprobatum. (1) Non illius exhibitio empyrica idèò dicenda, cùm in hoc negotio symbolum suam, nec eam minimam conferat Medicina rationalis. Dogmatum ejus, præviâ luce tutissimâ, discernit Medicus hæmorrhagiæ speciem cui conducit vinum antiscorbuticum, quonam morbi tempore sit exhibendum, quânam dosi, nùm alia

(1) Sequentes observationes mihi contulit colendiss. Patruelis M. MORISOT DES LANDES, Doct. Med. Paris.

Mulier temperamenti sanguinei, quatuor infantum felix mater, circâ ætatis sue ætatem 27um, bis in mense, iustò largiori uteri fluxum experiebat, & singulâ vice, per dies 10 integros; dein interî mensium XV spatium, tres passa abortus, sub quibus immensam profudit cruoris copiam, undè debilitas summa, cum omnibus ex debilitate oriundis malis, sequebatur. Ex vini autem antiscorbuncii, per tres menses haustu convalescit, ac duos postea factus, debito tempore, edidit.

Dux alie mulier ex eandem laudati vini senserunt efficaciam. Prior, 30 annos nata, ejusdem temperamenti, & antè pubertatem narium hæmorrhagiis obnoxia, sub ætatis & defatigationibus, incidit in insensum uteri hæmorrhagiam, singulo mense recurrentem. Pluries iteratæ venæ sectiones & cuncta, quæ ad sistendum sanguinis profluvium celebrantur remedia, incassum per duos annos fuerant adhibita, jamque hydrops incipientis suberat indicia, ob defectas omninò vires vitales.

Alterâ 31 annos nata, postquàm per septem menses fluierant catamenia, enormi ex utero hæmorrhagiâ correpta est: ex quo tempore non omninò tamèn statis periculis, sanguis pleno flumine prorumpbat, & per interjecta spatia, ex genitalibus fluor manabat non altè, sed subtili colotis, & olidissimus. Nihil juvit, præter vinum antiscorbuticum; cumque meus erat, ne suborta jam febris in hæticam degeneraret, serum lactis, ac dein lac asinum curam feliciter absolverunt.

4

intermiscenda remedia, nūm subindē vino interponenda quies, ut detur aliis remediis locus; uno verbo, ex doctrinā ind. a ionum & contra-indicationum, egregiū medicamenti usum sic moderari novit, ut nunquā noceat, & semper proſit.

V.
MIRUM fortē videbitur, nullum hūc-usque cognitum temedium, quod tantā polleat efficacīā, ut Medicus pro suo arbitrio, sanguinis fluxum si deficiat, restituere possit; nec ullum pariter certius dari medicamentum, quod sine majori detrimento, sanguinis hæmorrhagiam expeditē compescere potens sit. In uium vocantur *adstringentia*. Verū debilia hæmorrhagiam non sistunt; si toriōra, urgente indicatione, usurpentur, ex eorum usu protæſiori succedunt viscerum obstructions, imō quandoque febris hecica, funestā catastrophæ ſinenda. Aliundē hæc remedia intactam humorum dyſcrasiam relinquunt. Sed & alia inciūt quæſtio, an hæmorrhagiæ sistendæ certum inferant auxilium aquæ minerales, acidulæ ſcilicet & principio martiali imprægnatæ? Suppeditant quidē sanguini vehiculum aquosum, per quod acres ſales elui queunt, & per sudoris, & alvi vias exire de corpore. Verū requiritur virium vitalium robur in ægris, ut moveri per vias possint hæc ingesta; cæteroquin in sanguine remanent, & hydropicos producent tumores. Remedium aliud proponere pergunt, serum nempe lactis, aut lac asinum. Equidē ea remedia antiquissimæ Medicinæ antilites *Hippocrates*, *Galenus*, *Aretæus*, *Celsus* in suis Scriptis ad varias chronicas, maxime ab acrimoniā oriundas, miris extulerunt encomiis. Verū an talia feret debilitatus ventriculi, sicut aliorum organorum tonus? Absit tamē ut eorum efficaciam parvi faciamus; nascenti morbo forsā sufficere valent, vel sola propinata, vel simul remixta. Imō in morbo inveterato & pertinaci, postquā ex vini antiscorbutici usu, jam renascentes vires vitales cernere est, si laudata remedia adhibeantur, corpus firmando ac reficiendo morbum non rediturum certius spondent. Hinc nil vetat quin concludamus:

Ergo pertinaci & inveteratæ uteri hæmorrhagiæ, vinum antiscorbuticum.

DOMINI DOCTORES DISPUTATURI.

- | | | |
|--|--|---|
| <i>M. Claudius-Antonius CAILLE</i> ,
è Societate Medicâ Edimburgensi,
è Regiâ Societate Medicâ Parisiensi pro Epidemiis institutâ. | <i>M. Antonius-Laurentius DE JUSSIEU</i> ,
Eques, Regi à Consiliis & Secretis, Regiâ Scientiarum Academiâ Socius,
è Regiâ Societate Medicâ Parisiensi pro Epidemiis institutâ. | <i>M. Hyacinthus Theodorus BARON</i> ,
antiquus Facultatis Decanus, necnon Castrorum Regis & exercituum in Germaniâ & in Italiâ proto-Medicus. |
| <i>M. Philippus-Alexander BACHER</i> . | <i>M. Joannes-Jacobus NOLLAN</i> . | <i>M. Ludovicus-Maria POUSSE</i> ,
Eques & Censor Regius. |
| <i>M. Claudius-Andreas GOURELLEY</i> ,
Chirurgiæ Latino idiomate Professor. | <i>M. Benjaminus-Michael SOLIER DE LA ROMILLAIS</i> ,
Anatomæ & Artis obstetriciæ in gratiam M.ironarum Professor. | <i>M. Antonius CASAMAJOR</i> ,
Censor Regius. |

Proponebat Parisiis JOANNES-BAPTISTA-CLAUDIUS JEANNET DES LONGROIS, Saluberrimæ Facultatis Parisiensis Baccalaureus Medicus, necnon Theſeos Auct. A. R. S. H. 1778. A SEXTA AD MERIDIEM.

Typis QUILLAU, Universitatis & Facultatis Medicinæ Typographi, 1778.